

Հ Ա Վ Ե Ր Ժ Մ Ի Ա Ս Ի Ն Ե Ն Ք

Արհավիրքի առաջին օրերին ԼՂԻՄ-ի Մարտակերտի շրջանային հիվանդանոցի կուլեկտիվն առաջիններից մեկը պատրաստակամություն հայտնեց օգնելու մեր աղետյալ հայրենակիցներին: Կարճ ժամանակամիջոցում հանգանակվեց մոտ 5000 ուրլի, գնեցինք 1500 ուրլու դեղորայք և բըժըջկական երեք բրիգադներով մեկնեցինք աղետի վայր: Մեր բուժաշխատողները տեղում օգնություն ցույց տվեցին սուժածներին: Բացի այդ, հավաքած փողով 2100 ուրլու մըթերք ձեռք բերեցինք և ուղարկեցինք սուժած շրջաններ: Բուժաշխատողներն իրենց ևրեր օրվա աշխատավարձը՝

10 հազար ուրլի, փոխանցեցին 700412 հաշվին: Այդ հաշվին է փոխանցվել նաև տոնական հանդիսությունների համար հատկացված 3000 ուրլին: Մի խումբ բուժքույրեր մեր հիվանդանոցից գործուղվել են Երևանի հիվանդանոցները՝ հիվանդներին խնամելու համար: Նախատեսվում է առաջիկայում ևս նըման բրիգադներ կազմակերպել:

Մենք պատրաստ ենք մեզ մոտ ընդունելու սուժածների ընտանիքների, անօթևան մարդկանց: Ծանր է ժամը, խորն է վիշտը: Բայց և սիրտներս ուռչում է հպարտությու-

նից, երբ տեսնում ենք, որ այս դժվար ժամին մենակ չենք:

Հարգելի խմբագրություն, մենք՝ բուժաշխատողներս, մեր խորին շնորհակալությունն ենք հայտնում սովետական և արտասահմանյան մեր կոլեգաներին՝ իրենց անձնուրաց աշխատանքի համար:

Մեր սերն ենք հայտնում ռուս մեծ ժողովրդին, վրաց եղբայրներին, սովետական մյուս ժողովուրդներին, որ օգնեցին ամեն ինչով և այժմ էլ պատրաստակամ եկել են կառուցելու՝ մեր ավերված քաղաքները:

Այդ ամենը մեզ ստիպում է տոկալ, համբերել, ապրել ոը-

պարտությանը ու արժանապատվությամբ: Ապրել և մըտածել, որ պարտք ենք Լեհի-նականին ու Կիրովականին, Սպիտակին ու Ստեփանավանին: Այնքան, մինչև մոխիրներից հատնեն այդ քաղաքները, պարտք ենք Ջաջուռին ու Նալբանդին և շատ այլ գյուղերի, այնքան, մինչև նրանց տների երդիկներից նորից ծուխը ելնի և դողանջեն դպրոցական զանգերը: Եվ միշտ պատրաստ ենք օգնելու մեր քույրերին ու եղբայրներին:

Միլետա ՀՈՎՀԱՆՆԻՍՅԱՆ
ԼՂԻՄ, ք. Մարտակերտ,
շրջանային հիվանդանոցի
բժշկուհի